

علم حقوق

مقائیس قوانین مجتہدین

هرآی نشر اول نور

مؤسس و صاحبی که ماچنه مبعوثی : محمد عارف

نومرو : ۱۹

ایکینچی سنه — ایکینچی جلد .

استانبول — صراط مستقیم مطبعه سی

۱۳۲۶

قاپیتو لاسیونلر

یاخود

عهد قدیمه

صدر اعظم حق پاشا حضر تاری



-- مابعد --

ماده ده یالکیز بر استثنا وار : مکرکه معاملات تجارتدن نشئت ایتمش غایت قوی منافعه مبنی بر محله قونسولوسلق بشقه سنه و بریله مز و اوراده دولت علیه تبعه سندن بشقه او مأموریته مناسب بر کیسه بولنه مزسه بویله فوق العاده بر حال اوزرینه سفارت طرفدن دخی اولیایده حکومت سنیه نك موافقتی استحصال اولنه رق تبعه دولت علیه دن بری اجنبی قونسولوس وکیل ویا مأموری تعیین اولنه بیله جقدر . یعنی بولزوم هرایکی طرفجه ده تصدیق اولنه حق و او آدم موقت صورتده تعیین ایدیه جقدر . تعیینی ایجاب ایدن حال زائل اولنجه مأموریت نهایت و بریله جکی کبی تبعه اجنبیه دن اهل آدملر بولنورسه تبعه عثمانیه استخدا منه حاجت قالمیه جقدر . کذا بووکیل ویا مأمور خدمتندن چیقدقدن صکره آراق حمایه ادعا سنده بولنه میه جقدر . دیمک که بولظا منامه موچینجه : مملکت مزده بر عثمانلی بر اجنبی جنرال قونسولوسی ویا قونسولوس اوله ماز . فقط وکیل ویا مأمور اوله بیلور شوشر طله که : تعیین ایدیه جکی برده منافع قویه اجنبیه بولنلی بولنن بشقه تبعه جنبیه بولناملی ونصبی مستلزم اولان اسباب زائل اولنجه انفصال ایتملیدر .

ظن ایدیلور که بولنظام قونسولوس تابعیتی مسائلی حل ایتمشدر . فقط ویره جکمز ایضاحات ایله آ کلاشیله جقدر که مسئله تماماً حل ایدیه مامشدر .

بر کره تبعه دن اولان بوکی مأمورلر حقنده حمایه اجنبیه نك نه درجه اولدینی تعین ایتمیشدر ایلروده کوره جک زکه بزده اجنبی قونسولسارک باشلوجه حقوق و امتیازاتی وارددر که بونلر اسکی عهدده مهم بر اقلمشدر . و اقامه تفسیر و تعامل ایله بعضی حقوق و امتیازات برلشمش ایسه ده دولت علیه دائماً بوندن شکایت ایتش و اکثر احوالده نقطه نظرینی یوروده مامشدر . بویله شیلرده نقطه نظر جبرایله ده یورودیلهمز سفارتلرک ادعاسنه کوره دولت بوکی قونسولساری محاکمه ایدهمز هایدی بر اجنبی ایچون بوقبول ایدیلهم بیلسون فقط دولت کنددی تبعه سنی محاکمه ایدهمسون ! بونه قدر آغیر بر شیدر بویله بر امتیازی ادعایه او آدمک صلاحیتی اوله جقمی ؟ . . . بونی نظام سویلمیور . ایشته بومأمورلرک خدمات اجنبیه ده بولندقیری . وقت موقعی نه در ؟ حائز اولدقیری حقوق و امتیازات نه درجه ده در ؟ بو بر مسئله در . ظن ایدرم که شو صورت تفسیر موافق مصلحت اولور : [اما سفارتلر بوتفسیری قبول ایدلرمی بعضاً ایدلر بعضاً ایتزلر] بر کره قونسولس مأمورلری ایچون حمایه موضوع بحث دکلدر . چونکه بونلر قونسولس دکلدر در [معلومدر که قونسولساق اوج صنفدر : جنرال قونسولسی ، قونسولس ویس ، قونسول [قونسولس وکیلی]

قونسولس مأموری قونسولس دکلدر . بونک امتیازاتی یوقدر . مثلاً بزده قونسولس مأمورلری ایچون کمرک امتیازاتی طانممشدر . او حالده بومأمور عثمانلی ده اولسه بر حق امتیاز صاحبی دکلدر .

فقط عجباً بومأمورک بر قواصی قدر اولسون امتیازی حمایه سی اولیه جقمیدر ! بونک ده بر اجنبی قونسولس وکیلی قدر امتیازی بولمسونمی ؟ طبیعی نیجه اولیه جق دینه جک ! . . .

ذاتا بو آدم قونسولس مأموری اولدینی وقت بر طاقم قیود و شروط ایله مأمور اولمش دولت آنک ایچون بر حمایه قبول ایتک ایستیه مز . بر قواص بر ترجمان قدر امتیاز طانیق یعنی آنی ده مستخدمین ممتازدن عد ایتک مسئله سنه کلاجه ایشته بوده بر مسئله اولور .

بعض احوالده سفارتلر ادعالرده بولندیلر . بنده کوردم . مثلا : بو آدم قونسولوسمزدر . بدل عسکری و یرمیه جک دییورلر . حالبوکه ترجمان قواس بدل عسکری و یریور . قونسولوسمزدر و یرکودن معافدر دییورلر . حالبوکه او برلری دکل ... دیمک که مسلمان قونسولوس وکیلی اولورسه عسکرده آلدیرمیه جقلر قرعه یه تابع دکلدر دیه جکلر ! خیرایسی بونلر ایچون هیچ بر وجهله حمایه قبول ایتمکدر . [۱]

واقعا ممالک اجنبیه ده بر چوق فخری قونسولوسلر تعیین ایدیورلر . فقط بونلرک اوراده هیچ بر امتیازی حقوقی یوقدر . بز مقابله ا کر امتیاز و یررسه ک حق حمایه طانیرسه ق بوندن مشکلات تحدث ایدیور . بر آدم محاکمه ایده مامش واقعا بوندن قیامت قویمز . فقط دوشونیورسه ینه قیامت قویار . چونکه نظامات دولت خالدار اولیور . دولت ، تبعه سی اوزرنده حق حاکمیتی استعمال ایده میور . ایشته اهمیت و یرلمیان بو کبی ضررلر طویلاتمش طویلاتمش کلی بر یکون تشکیل اتمش ! ... والحاصل ممکن اولدینی قدر حمایه یی رد طرفه کیشمیدر . بعض احوالده دولت شرائط دأثره سنده قبول ایتمدی . مثلا : حمایه ادعاسنه حتی اولیه حق دیندی . سفارتلرده قبول ایتمیدیلر . فقط صکره بو مأمور بر قواس قدرده ممتاز اولیه جقعی دیدیلر ؟ بوندن بشقه بو مأمور ایچون امتیاز اولیه جق دیسه ک قانچیلاریه سنه کیرله بیله جکمی ؟ مثلا افلاس ایتمشده اوراقی قانچیلاریه سنده صاقلامش کیم کیره جک ؟ .. حتی یوقدر . امتیازی یوقدر دینسه بیله قانچیلاریه سی تعرضدن مصوندر . یا ککشلقله قانچیلاریه سنه کیرلسه بیوک بر مسئله سیاسی اولمزی ؟ ..

[۱] احکام نظامیه مک محافظه سنه دقت ایتکله برابر تبعه عثمانیه دن برینک قونسولوس مأموریتنه ویا وکالتنه تعینی ایچون اصرار وقوعنده تبعه عثمانیه مک مکلف اولدینی کافه رسوم و تکالیفی ادا ایلمک ، و کمرک رسمندن معفویت کبی ضرر خزینه یی موجب امتیازاندن استفاده ایتمک وصف رسمیه سنه عائد اولیان کافه خصوصیات عثمانی معامله سی کورمک ، شرطلری درمیان وسفارات متعلقه یه قبول ایتمیریلدکن صکره صفت مأموریتلرینک تصدیق اولمسی اخیراً اصول اتخاذ ایدلش در .

الك طائلیسی هیچ بر وجهله حق حمایه قبول ایتمکدر . فقط ینه بر مسئله
چقار. مثلا بر قونسارس مملکته کیدر . ترجمانی وکیل بر اقیبر وکالتده ایکن
امتیاز ادعاسنه قالدیشیر ...!

والخاصل بو نظام یابیلدیغی وقت دهها مساعد احوال وزمانده اساسلی
بر صورتده موضوع بحث ایدلک اوزره ایش بو قدرله قالمش خلاصه بو
بر مسئلهدر .

کذا بومأموریتلرک موقت اولمسی ده بر مسئلهدر . موقت فقط نه قدردر .
موقتک معناسی مبهمدر . بر معاهده یابیلانجه زمانک مقداری ذکر ایدلملیدر .
زمانه خاطر کیرمز . سنه بیتنجه حکمی ده بیتر [۲] بویله موقت شیلرده مدت
تعینی ایچون مرور زمان مدتارینی نظر اعتباره آلملیدر . جنسایت جنجه
افعالی مرور زمانه اوغرا تمیه حق بر مدت اولملیدر . مدت بیتنجه مرور زمان
حاصل اولمامش اوله جفتدن او آدم ینه در دست اولنه بیلور .

برده در دست رویت بر دعواسیمی واردر ، یوقیدر . اثنای قبولده
بوراسنی ده تدقیق ایتملیدر . اگر بویله بر شی وارسه (قبول ایتمیز) دینه
بیلور . خلاصه بویله موقت شیلرده مدتی تعین ایتملیدر . و هیچ اولمزسه تعین
اولنه حق مأمورک معاشلی بر مأمور اولمسی التزام ایدلملیدر . چونکه آنک
حقیقی زیاده و معامله سی آزه اولور . چونکه بعض احوالده تبعه دن قونسولوس
تعینی ضروری اولور . مثلا اجنبی دولت تبعه سندن کیمسه بولنماز . معتبر
بر تجارده اولماز حالبوکه اودولتک محافظه ایدیله جک بعض حقوق و منافعی مثلا
بر چوق عمله سی بو لنور .

قونسولوسلرک بر طاقی موظف و مسلکدن یتشمه در . بر طاقی ده فخری
مأمور واردر . بو میانده موظف قونسولوسلرله فخری قونسولوسلرک شخصلاری
حقنده امتیازاتجه بر فرق اولوب اولمدینی شایان ایضاح بر مسئلهدر . موظف

[۲] موقتاً تعین اولنان بو قونسولوس وکیللرندن اون * اون بش سنه وحی دهها
زیاده مدت ایقای وظیفه ایدنلر کورلشدیر .

وفخری قونسلوس حقنده اسکی معاہداتده بر کونا قید وصراحتہ تصادف اولنمیشدر . یکی عقد اولسان قونسلوس مقاوله لرنده ایسه ممکن مرتبه فخری قونسلوس تعیین اولنماسنه غیرت اولنیور . حالبوکه حقوق دول احکامی زمانزده پک چوق تبدل ایتمیکده بولندیغندن قونسلوسلر حقنده کی احکامی ده پک چوق دکشمشدر . قرون وسطاده قونسلوسلر سنف تجساردن ایدیالر . صکره مارسلیا تجارت اوطنه سنک قراری ایله قرال طرفندن نہایت خارجیہ نظارتی طرفندن تعیین اولنمغه باشلانمشدر . بو قواعد قدیمه نك بقیه سنندن درکه الیوم بیلہ بعض یرلرده قونسلوسلر تجارت نظارتہ تابع طوتولورلر . فقط شمدی قونسلوسلر یواش یواش مأمور صفتی آلمغه باشلادیالر بعض یرلرده امتیازاتی چوق اولدیغندن واهالینک نمایلات مخصوصه سنه تابع اولدقلری ایچون بر موقع مخصوص اشغال ایدیورلر . والحاصل قونسلوسلر اسکیسی کی دکلدر .

حتی بعض تملک تارده قونسلوسلر سیاسی مأمور وکیلریدر بو جهتلہ وظائف مهمه ایله اشتغال ایتدکلرندن چوغی دیپلومات اولور آنک ایچون بونلرک تفریقده اہمیت واردر .

آوروپاده فخری قونسلوس تعیین اولنہ ییلور چونکہ اوراده برکونا امتیاز ادعاسنده بولنہ مازلر . اولبابده کی ادعای آنجق مصونیت شخصیه لریدرکہ بوده امور جزائیہ منحصر در حالبوکه قونسلوسلرک جنایت وجنحه کی جرائمی ارتکابلری زمانزده پک مأمول دکلدر . قونسلوسلر بوکی جرائمی ایقاع ایله حبس اولنمہ لرده اولور بوحالده ارتکاب جرم ایدن قونسلوسک سفارتہ مراجعتلہ تکدیر ایتدیریلور . حیثیتی بر آدم ایچون تکدیر مؤثر بر جزادر . بناءً علیہ مجازات تکدیر یہ بی مستلزم احوالده بولنان قونسلوسلر ایچون مصونیت شخصیه بی طانیق اوقدر وخیم بر تاثیر موچب اولماز . فقط حقوق و تجارت ایشلرنده قونسلوسلرجه امتیاز طانیق آغیردر . اویلہ بر امتیازکہ قونسلوس بو سایہ ده بورجنی اوده میہ جک . بوحالده دأن ایچون مراجعتکاه قونسلوسخانه در بر عثمانی

ایچون حاکم نظامیستدن باشقه برحاکمه مراجعت ایتمسی پک آغیردر . واقعا بعض مسئله لر اداره تدقیق اولنه رق سیاست حل اولنور . فقط بردعوی اداره حل اولنه مازایشک طرق قانونیه دن کچمه سی بهمه حال لازمدر موظف قونسلوسلرده بویه امتیاز طاننسه بیه آنلرک افراد اهالی ايله مناسباتی پک آزدر . فخری قونسلوسلرکی اهالی ايله اختلاط ایتمزلر بناء علیه موظف قونسلوسلر چوق سؤاستعمال ایتمزلر کندیلری ارباب مسلك و حیثیتندرلر .

بعض برلرده اصنافدن فخری قونسلوسلر کورلمشدر . بونلرک بو حاللار ايله توازن حاصل اولمق ایچون امتیازلری آز اولمالیدر . مع مافیه معاهداده صراحت اولماقله برابر حکومت سینه دائما موظف قونسلوس تعیینی جهتی ترویج ایتمشدر .

بعض حکومتلر بویه فخری قونسلوس مأمورلرینه قونسلوس عنوانی ویرمز لر ایسه ده بعض کچوک حکومتک عادی تجاردن فخری اولان بویه قونسلوسلره [جنرال قونسلوس] نامی ویرلر قونسلوس مأموری عنوانی ویریلور ایسه قونسلوسلق امتیازاتی ادعا ایده بیه جکندن تبعه محلیه ايله ظهور ایدن دعوالرنده پک چوق مشکلات ظهور ایده بیسلور ایشه بو نقطه دن دخی قونسلوس مأموری صفتیدن زیاده امتیاز طانیماق لازمدر .

قونسلوسلرک قبول و تصدیق مأموریتی

قونسلوسلرک شخصی طانیق و اووجهله قبول ایتمک دخی شایان تدقیق مسائل مهمه دندر حقوق دول قونسلوسک شخصی قبول ایده چکاره بعض حقوق ویرمشدر دولت علیه ده بو حقه مالکدر . زیرا بزم عهود قدیمه مزده حاکم اولبان برلرده حقوق دول قواعدی تطبیق اولنه جنی یارس معاهده سنک جمله احکامندندر قونسلوسک تعییننه موافقت اولندقدنصکره شخصی طانیق

افصل اولور . اساساً حقوق دوله سفیر کی استعزاز اصولی و شخصیتجه موافقت استحصائیه احتیاج یوقدر سفیر بر حکمدارک وکیلی صفتیه دیگر بر حکمدارله تعاطی مناسبانه مأمور اولدیفندن شخصتک قبول اولنوب اولمیه چنی موضوع بحث اوله بیلور . چونکه هیچ بر حکمدار خوشالاندینی بر آدمله مناسبانه اجبار ایدیه مز . فقط بر قونسولوس حکمدار ایله مناسبانه مأمور اولمیه چفندن موافقت استحصالنیدن وارسته در . بونکله برابر قونسولوس طوغریدن طوغری به موقع مأموریتنه کیدوده کندینی والی ویا متصرف طانتدیره مز دول سائرده قونسولوس تعیین اولندیغی زمان اجرای مأموریتلرینه دأثر یدینه بر مساعده نامه [ex équature] وریلور . بونکله قونسولوس علی الاصول خارجییه نظارتی واسطه سیله کندینی طانتدیرر . مع مافییه دولت بر قونسولوسک شخصی ویا تابعیتی بعض احوال واسبابه مبنی قبول ایتم دیه بیلور . نته کیم یونان محاربه سنده دول اجنبیه دن بری بر یونانی قونسولوس تکلیف ایلدیه سده دولت قبول ایتمدی برده عثمانی ترمه سندن برنی قونسولوسلغه قبول ایتمیه بیلور . کذلک اولجه دولتعالیه علیهنده نشریات مفسد تکارانده بولنش اولان بر آدمی قونسولوسلقدن رده حق واردر . بزده قاعده قونسولوس تعیین ایده چکار دوانک خارجییه نظارتیه اشعار ایدرلر خارجییه نظارتی ده قونسولوسک شخصی تابعیتی سوابق احوالی حقدیه تدقیقات اجرا وایجاب ایدر ایسه سفارت وولایتلردن استعلام ادر . بو آدمی قونسولوس مأمورلری ایسه بونلره برات ویرلمز . حکومت محلیه بخطاباً رمانده اصدار اولنماز بلکه خارجییه نظارتنک اولیاده کی تحریراتیه اکتفا اولنور [۱] اکر اولر قونسولوس ویا جنرال قونسولوسی ایسه کندیلرینه دیوان هایوندن بر برات وریلور که بونک خرجی ده واردر . [۲] ونده [فلان آدم فلان رده قونسولوس تعیین اولنشدر] دیه یازیلیدر بو حاله نظراً بو برات ایله دولت او آدمی قونسولوس طانتیش دیمکدر عینی زمانده حکومت محلیه یعنی والی . نائب مجلس اداره اعضاسنه

[۱] صوک زمانلرده قونسولوس مأمورلرینه ده برات ویرانکه باشلانمش در .

[۲] مع مافییه یونان و صرب قونسولوسلوق مقاولانده بو براتلر ایچون خرج ویرلیه چکی مصر حارر .

خطاباً بر فرمان عالی اصدار اولنور . بو فرمانده دیوان هایون قلمنده تنظیم اولنور بونده فلان آدمک فلان دولت نامنه اداره مه قونسوس تعیین اولندی بیان و کندیسنه حرمت ایدلسی و مراجعتی حالنده کندیسینه عندالایجاب مذاکره اولنمسی توصیه اولنور کذا بو فرمانده قونسوسک مثلاً معاہدات وارسه اولباده کی فقرات عہدیہ درج اولنہرق آنلر موجبنجه یوقنہ حقوق دول قواعدینہ کورہ ایفای وظیفہ ایدہ جکدر دنیلور . احوال فوق العادہده بو براتک استردادی ده قابلدر .

قونسوسارک غیوبتی حالنده کندیلرینہ وکالت ایدہ جکارہ کلنجه قونسوس موقہ غیوبت ایدرایسہ حقوق دول قواعدنجه وکیل تعیین اولنور اگر اولجه صفت رسمیتی طائمش قانچالاریہ کاتبی واریسہ بونلر قونسوسہ بحق وکالت ایدرلر مثلاً قونسوس بدایت مأموریتندہ بونلری والی به تقدیم ایتیش ایسہ آرتق وکالت ایچون استیذانه محل یوقدر بونده مشکلات اولمدینی کی وکالتی دیگر دولت قونسوسنہ حوالہ ایدرسہ ینہ جای تردد دکلدر . فقط قونسوس خارجدن برنی توکیل ایدرسہ آنک صفت وکالتی قبول ایچون مقام عائدندن استیذانه لزوم واردر . اگر ترجمانلری ویاتبعمہ دن برنی وکیل ایتک استرایسہ والی کیفیتی خارجه نظارتنه عرضله آله جنی امر او زینہ حرکت ایدر زیرا ترجمانک نہ درجه حاز امتیاز اوله جنی بمضاً داعی مشکلات اولور . [۲]

[۲] بو وکیللرک مدت وکالتلری التی آیدن زیاده امتداد ایتماسنه دقت اولنور .

ایکینجی بحث

قاپیتولاسیون موجینجه قونسولسارک امتیازات

و

معافیات شخصیه‌لی

قونسولسارک امتیازات و معافیات شخصیه‌لی مسئله‌لی بزرده‌ک معین دکلدیر . معاهدات قدیمده اشبو امتیازات مهم برحالده بر اقلمش امتیازات حقنده مطرد برقاعده وضع اولنماشدر .

بعض مسئله‌لر معین بمضاری اختلافلیدر . قاپیتولاسیونلرک امتیازات حقنده‌کی احکامدن قوتلی وضعیف اولمق اوزره ایکی معنی چیقار قوتلی چیقان معنا دولت علیه‌علینه . ضعیف چیقان معنا ایسه بر طاقم مسائلده اجنبیلر لهنده در بناء علیه هر دولت ایشنه کلن معنایی آلمش مساعد اولسه‌ده دیگر معنایی قبول ایتک ایسته‌مامشدر . بو حال ایله اولاباده‌کی احکام، کشمکشده قاهره حل اولنماش قسماً تعامل تأسیس ایتیش و قسماً اختلاف ایقا اولنیش بر قسم اخیریه ده نظامات مخصوصه ایله حل اولنیشدر . بونک سببی عهد قدیمده زمانمزدکی قونسولس معاهده‌لی کی قونسولسارک حقنده کی مباحث صرمدی ایله یازلمش تدقیق ایدلمش اولماسیدر . او زمانه کوره بعض سوزلر یازلمشدر . او وقت قونسولسارک شیمدیک کی دکل پک آز ایدی . داخلده قونسولس موجود اولانلری ده ساحل یرلرده فرنک محله‌لرنده اوطورورلردی .

برده او وقت بر طاقم ویرکولریمزده یوقدی . بوسبیلله قونسولسارک حکومت ایله معامله‌سی پک آز ایدی . بناء علیه امتیازات حقنده برقاعده بر حال تقرر

ایتمه مشدر . معاهداتك به میتندن زیاده مدعیات حاصل اولمشدر . بومدعیات ایچنده فاحش شیلر وارددر . مع هذا عهد قدیمهده بیطر فانه بر صورت تفسیر قبول اولنور ایسه فاحش بر شی قالماز . و حقوق دول قواعندن پك طاشماز . فقط سفارتلارك تفسیرات عجیبه سیله بونلر بیویور . اهمیتلری تزاید ایدیور . و مسئلهلر آرتیور . بو جهتله بوراده قونسولسلرك شخصنه مخصوص نه کی معافیاتی وارددر . قونسولسلرك حقوق امتیازاتی حال حاضرده نه مرکزدهدر . آنی کوره جکیز .

طبیعیدرکه بونی تعیین ایچون اول امرده خاطره کله جك شی شخصی اقامتگاهلرینك مصنوعیتی مسئله سیدر . امتیازات و معافیاتك دخی برنجی درجه سی بودر . معاهدات عتیقهده بوکا دائر خیل صراحتلر وارددر . حقوق دول قواعدنجه قونسولسلرك شخصلری قسمأ تعرضدن مصوندر . واقعا بوبایدہ علمای حقوق متفق دکلدر .

دولتلرك بو بایدمکی مسلک لری ده بر برینه بکیزه مزبعضاری ممتاز عدايتش ، بعضلری ده امتیازلری طایما مشدر . مثلا انکلتريهده قونسولسلرك امور عدلیهده امتیازلری یوقدر . کذا بنه انکلتريهده قونسولسلرك اقامتگاهلرینك مصنوعیتی حقیقده بر صورت مخصوصه یوقدر . حتی انکلتريه دولتی قونسولسلرخانهلردن تمتع ویرکوسی آلمق آشبشته بولندی . فقط آوروپا دولتلرینك اکثریسنده قونسولسلرك خیل معافیاتی وارددر . مثلا آلمانیاده قونسولسلر جنجهدن طولایی توقیف اولمازلر فقط جانیتمدن بعضأ توقیف اولنورلر . ایسته بو جهتله حقوق دول قونسولسلرك شخصنه بر جوق حقوق تأمین ایلمشدر . الحاصل بر جوق مملکتلر قونسولسلر ایچون بر مصونیت شخصیه طایمقدهدرلر . بناءً علیه قونسولسلر جنایت ایقاع ایتمدکجه هیچ بروسیله ایله توقیف اولنه میه جقلری قاعده سی عموماً قبول اولنمش کیدر . . معلوم اولدینی اوزره جنجه افساندن طولایی افراده توقیف اولنمقدهدر یعنی کفالت ارانه سی ایله بحق تخلیه سیلی اجرا اولنور . جنایتلره کلنجه بوبایدہ مستنطقله محاکم تقدیری تسلیم اولنمقله برابر

لزوم توقیف حقنده باش مدعی عمومیلکن تبلیغ اولمش مذکره عمومیه واردر . معافیه اشبو مذکره - فکر بحه - محکمه نك مستطقت حق تقدیری نقید ایده مسه کر کدر بناء علیه بونلر تقدیر مسئله ایده نك تحلیه نی اجرا ایده بیلورلر قونسولسارک اقامتگاهنك مصونیتنه کلنجه قونسولسوخانه قنچالاریه لرینک تعرضدن مصونیتی بتون معاهداته یازلمشدر . فقط ایتالیا حکومتی مأمورلری ۱۸۸۵ سنه سنده فلورانسده بولنان فرانسه قونسولسوخانه سنه کیروب تحریات اجرا ایده نك فرانسه قونسولوسنی توقیف ایلمشادر . ایتالیا حکومتی قونسولسوخانه نره کیریلور ادعاسنده بولمش فرانسه ایسه قونسولسوخانه نره قطعاً کیریه من نظریه سنی ایلری سورهرک ایکی دولت آره سنده کی مناسبت کر کینلشمش ایدی . فقط صکره ایتالیا طرفندن ویرینن رضیه ایله مسئله تسویه ایدلدی . قونسولسارک کرک شخصلرک کرک اقامتگاهلرینک مصونیتی حقنده آوروپا دولتلری آره سنده منعقد قونسولس مقاولاتنک اکثریسنده بعض امتیازات درج اولمشدر . قونسولس مقاوله لری قونسولس اقامتگاهنک رسمی قسمنی تعرضدن مصون عدا یتیمکده در . بورسمی قسم قاچ اوطنه دن عبارت اولورسه اولسون قنچالاریه سنک قونسولاتو اوراقنک بولندیغی یردر بورایه مأمورین حکومت کیره من فقط قانچالاریه دن باشقه یره کیره بیلرلر فخری قونسولسارک اقامتگاهنه کلنجه بونلرک اوراق شخصیه لرینی اوراق رسمیه ایله قارشدر ماملرینه دائر قیود و شروط واردر ا کر تحریات اجرایی ایجاب ایدرایسه حکومت محلیه طرفندن اوایله بر قونسولسک سفارته مراجعت اولنور و تحریات لازم ایسه سفارت واسطه سیاه اجرا ایتدیریلور .

دولتعلیه نك معاهدات قدیمه سی بوامتیازی بر آذایلریه سورمشدر . یعنی کرک شخصی و کرک اقامتگاهی مصونیتی قبول ایتدیکی حالده فخری قونسولساری دخی بوباید مووظف قونسولسلری کی عدا ایلمشدر .

قونسولسارک مصونیت شخیصیه و اقامتگاهی حقنده بزده بعض فقرات عهدیه به تصادف اولنور . مثلاً انکثره دولتنک (۱۶۷۵) تاریخنی قاپیتولاسیوننک

۲۵ نجی ماده سنده انکلتره ایلچیلری طرفندن تاجرلرینک حمایه اولنق ایچون ممالک محروسه ده نصب و تعیین ایلدکلی قونسولوسلری اصلاحس اولنمیوب واولری مهرلنمیوب کندولرین آزامایلر و رفع اولنمیلر وهرنه مقوله دعوالری اولورسه سده سعادتمه عرض اولنوب انکلتره ایلچیلری جوابی ویرهلر « دنیلمشدرکه بوکا نظراً انکلتره سفیری طرفندن ممالک شاهانه ده تبارک حمایه سی ایچون نصب اولنان قونسولوسلر بروجله نصب و طرد اولنمایه جق دیمکدر . بو فقره عهدیده [خانلری تمهیر اولنمیبوب] دینیور . خانلرینه کیریله من دینیور . چونکه خانلری تمهیر ایدمه مک خانلره کیرمه مکی تضمن ایدیور بو حالده تمهیرده کی معنا دهسا ییو کدر . (کیریله من) ده بر خصوصیت واردر . یعنی خانلرینه کیریله من ایسه تمهیر اولنمیلور معناسی استنباط اوانه بیلور شو حالده تمهیر ایدیله میور دیمک هر حالده هیچ بر صورتله اوینه کیریله من دیمکدر تمهیر جزئر کیرمک کدر جزئه مقتدر اوله میان کله ده قادر اوله ماز .

کذا ۱۷۵۶ تاریخی دانیارقه قایتولاسیوننک اونجی ماده سنده : « دانیارقه قونسولوسلری حبس اولنمیلر و منزللری مهرلنمیوب تفتیش و تفحص اولنمه . » دیه مصر حدر .

کذا ۱۷۴۰ تاریخی فرانسه قایتولاسیوننک ۱۶ نجی ماده سنده « قونسولوسلرین بعض کسسه لر دعوی ایتدکارنده کندولرین حبس ایدوب اولرین مهرلنمیوب تعدی ایتیلر . » دنیلدیکی کی ۱۶۸۰ تاریخی فلمنک قایتولاسیوننک ۷ نجی ماده سنده دخی بوبولده صراحت موجرددر . (فرانسه قایتولاسیوننک اشبو ماده سنک عینی در)

کذا ۱۷۶۱ تاوینخی روسیا قایتولاسیوننک ۵ نجی ماده سنده « ممالک محروسه ده مقیم روسیا قونسولوسلری حبس اولنمه منزللری مهرلنمیوب تفتیش و تفحص اولنمه » دنیلمشدر بو عبارات عهدیده دن چیقاریله جق احکامدن برنجیسی قونسولوسلر علیهنده دعوی و قوعنده بونلر حبس اولنمه ماز . فقط اشاعیده کوریله جک وجهله دعوی و قوعنده قونسولوسک محاکمه اولنمی امکانی واردر

چونکه احکام عہدینک ہیچ بریںده [قونسوس محاکمہ اولنہ ماز] کی بر اشارت، یوقدر . بناء علیہ دعوی و قوعنده قونسوسلر مظلوناً توقیف اولنہ میہ جقلر ایسده فعل واقندن طولانی محاکمہ اولنہ جقلری آکلا شیلور . حتی قونسوس ارتکاب جنایت ایله بیله توقیف اولنہ میہ جنی مصر حدر فقط بومستله مختلف فیدر . اشاعیده کوریلہ جکی وجهله حبس اولنہ ماز دیمک محاکمہ اولنہ بیلور ایسده توقیف اولنہ ماز دیمکدر یوقسه محاکمہ اونور ایسہ بنجده حبس اولنہ مز دیمک دکلدر . زیرا حاکم حکمہ مأذون اولدینی کی او حکمی دخی اجرایہ مأذون اولہ جنی علم حقوق قواعد اساسیہ سنددر . چونکه حکمہ مأذون اولان حکمی اجرایہ مقتدر اولہ ماز ایسہ ویردیکی حکم تأثیر سنز قالیر . بونک خلافتده بعضاً عالز اولمش ایسده علم نقطه نظرندن بیددر مجروحدر . فقط بو خلافی بعضاً دولتر ادعای بیدیکی ایچون مسئله سیاسی بررنگ کتساب ایدور علناً بردولت محاکمہ بی اجرایہ مأذون ایسہ حکمی ده اجرایہ مأذوندر احوالده محاکمہ ایدہ بیلور ایسہ نتیجده حبسی ده ضروری اولدیغندن فقره عہدیندن مقصد توقیف اولنہ ماز دیمکدر . بده بک طبیعیدر زیرا قونسوسلرک حیثیتی اولدیغندن عادی بردعوی ایله موقوفیتلری جائز کوریلہ مز دائماً حقوق دولده قونسوسلر حقنده مظلوناً موقوفی قبول ایتمور بالکمز جنایاتده موقوفی تجویز ایدور ایسده بده باشقہ در جنایات سیاسیہ لڑده اولدینی کی آرتق بو کی احوالده دولتر صورت توقیفی تعیین ایدرلر .

مع مافیہ بر قونسوسلرک توقیف اولنہ می قونسوسلرک بولندینی محل دولتی بشقہ چارملرہ توسلدن منع ایدہ مز یعنی اقامتکاهی جوارینہ عسکر اقامہ ایدہ بیلور بو صورتله فرارینہ میدان ویرلر بو حتی بوجه ایله اعتراض قبول ایلمز فقط دولتیہ شمدی یہ قدر ہیچ بر قونسوسلری محاکمہ ایتمدیکی کی بزده ممالک اجنبیہ ده کی قونسوسلر مزہ ال طوقندر مز بوبله بر حال و قوعنده قونسوسلرک مأذوناً عودتی ایستہ رز آنی بردها کوندر مز چونکه دولتک مأمورینی حبسلرده سور و کلمہ قولای برشی دکلدر حتی قونسوسلری ممتاز بیلیمین انکلترة دولتی دخی بو کی احوالده تدبیری حرکت ایدر قونسوسلر انکلترة دن مأذوناً چیقار ایکن

نمانت ایلمز بزده فعل جنایت اولسه دخی قونسلوس نتیجه محاکمه حبس اولنه ماز . زیرا فقره عهده جنایت ایله جنجهنی تفریق ایتمه مشدر .

احکام سابقه عهده دن چیقاریله حق ایکنجی بر قاعده عمومیه قونسلوسلرک خانهرینه کیریه مامسیدر . اشبو احکام عهده ده قونسلوسدن مقصد شبه یوقدرکه دولتک با برات عالی طانیسیدنی آدمکر دیمکدر . بناء علیه براتی اولمیان بر مأمور قونسلوس دکلدر . قونسلوس مأمورلری ایچسون برات ویرلمدیکندن قونسلوس عداولنامق ایجاب ایدر یعنی قونسلوسلرک شوامتیازاتی قونسلوس مأمورلرینه شامل دکلدر . ذاتاً قونسلوس مأمورلری حقنده بو امتیازاتی ادعا ایدن اولامشدر بزده چوق قونسلوس مأمورلرینک محاکمه سنک اجرا اولندینی واردر . فقط بویه بر حکم لحوقندن و حاکم لاحقی سفارتلر بلا اعتراض طانیسقدن صکره محکوم اولانلر با اراده سنیه عفو اولمشلردر .

بزده قونسلوس مأمورلری محاکمه اولندینی وقت امتیازاتی ادعا ایلمدکلرینک امشالی واردر . از جمله بوندن بر قاج سنه اول اوسرتیانک مرسینده بولان قونسلوس مأموری بر جنایت دعواسندن طولانی اولا مرسینده صکره ادرنده محاکمه اولمشدر . واقعا بالاخره اراده سنیه ایله عفو ایدیش ایسه ده عفو عالی مأمور محاکمه اولمشسون معاسنی متضمن دکلدر .

دولتعلیه تبعه سندن اولان قونسلوس مأمورلرینه کلنجه تبعه دن اولان قونسلوس مأمورلرینک فصل محاکمه اولنه جقلری حقنده عهده ده بر صراحت یوقدر . فقط ظن ایدرم بونلرک بویوله امتیازاتی یوقدر . . چونکه بونلرک عادتاً محمی موقت کیدر . بناء علیه قاعده خارجیه نظارتک تحریراتی ایله تعیین اولان قونسلوس مأمورلری و تبعه دن اولان مأمورلر حبس اولنه بیلور . بونکله برابر کرک قونسلوس مأمورلرینی کرک تبعه دن اولان مأمورلری محمی موقت عدا ایله بونلردن صادر اوله حق جنجه فعلی اوزرینه هان توقیفلری جهته کیتمه مایدر .

مابعدی وار